

Útkomið í A-deild Stjórnartíðindanna 1944.

Ríkisstjórabréf um frestun á fundum Alþingis, undirskrifað af ríkisstjóra 9. marz 1944, nr. 23.

Auglýsing um staðfesting ríkisstjóra Íslands á breytingu á reglugerð fyrir Háskóla Íslands, nr. 47 frá 30. júní 1942, undirskrifuð af kennslumálaráðherra 19. apríl 1944, nr. 24.

Bráðabirgðalög um breyting á lögum nr. 6 9. janúar 1936, um tekjuskatt og eignarskatt, undirskrifuð af ríkisstjóra 26. apríl 1944, nr. 25.

Bráðabirgðalög um heimild fyrir ríkissjóð til að kaupa eignir setuliðsins á Íslandi, undirskrifuð af ríkisstjóra sama dag, nr. 26.

Auglýsing um lækkun aðflutningsgjalda á kornvörum og sykri, undirskrifuð í fjármálaráðuneytinu 30. marz 1944, nr. 27.

Bréf dóms- og kirkjumálaráðuneytisins til sýslumannsins í Árnes- sýslu, um flutning þingstaðar. 46

9. maí

Samkvæmt tillögu yðar, herra sýslumaður, í bréfi, dags. 4. þ. m., og ósk hreppsnefndarinnar í Sandvíkurhreppi, veitir ráðuneytið hér með samþykki sitt til þess að þingstaður hreppsins verði fluttur frá Litlu-Sandvík að Selfossi, enda annist hreppsnefndin um að jafnan verði til á hinum nýja þingstað hæfilegt hús til þinghaldanna.

Þetta er yður hér með til vitundar gefið til leiðbeiningar og frekari birtingar.

Staðfesting ríkisstjóra á skipulagsskrá fyrir „Ekknasjóð Íslands“, útgefin á 47
venjulegan hátt að mandatum af dómsmálaráðherra 21. janúar 1944.

21. jan.

Skipulagsskráin er þannig:

SKIPULAGSSKRA

fyrir Ekknasjóð Íslands.

1. gr.

Sjóðurinn heitir „Ekknasjóður Íslands“ og er stofnaður með 1000 króna framlagi sjómannskonu, og er það hluti af áhættuþóknun manns hennar.

2. gr.

Stjórn sjóðsins skipa biskup Íslands, yfirlæknir við Tryggingarstofnun ríkisins og ein kona, tilnefnd af þeim.

3. gr.

Takmark sjóðsins er að styrkja fátækar ekkjur á Íslandi til að halda heimilum sínum og ala upp börn sín, einnig þær, er mennirnir hafa yfirgefið, án þess að þær eigi sök á.

47

4. gr.

21. jan. Tekjur sjóðsins séu, auk vaxtatekna, frjáls framlög einstakra manna svo og væntanleg framlög fyrirtækja og stofnana.

5. gr.

Sjóðurinn skal ávaxtaður í ríkistryggðum verðbréfum eða í sparisjóði, sem hefur ríkisábyrgð.

6. gr.

Eigi má veita fé úr sjóðnum fyrr en höfuðstóll hans er orðinn 100 þúsund krónur og aldrei þó meiru fé en árlegum vöxtum nemur.

7. gr.

Verði væntanleg ekknatrygging ríkisins svo rifleg, að þessa styrks sé eigi þörf til ekkna, að dómi sjóðstjórnar, sé styrk hans varið til kristindómsfræðslu og viðreisnar föllnum konum.

8. gr.

Stjórn sjóðsins hefur reikningshald hans og heldur gerðabók og skulu í hana færðar ákvarðanir um styrkveitingar og annað, er varðar hag og rekstur sjóðsins.

9. gr.

Leita skal staðfestingar á skipulagsskrá þessari og hún birt í B.-deild Stjórnartíðinda. Skipulagsskrá þessari má því aðeins breyta, að öll stjórnin sé ásátt um breytinguna, enda komi sú breyting í engu í bága við aðaltilgang sjóðsins.

48

REGLUGERÐ

23. febr.

um breyting á reglugerð nr. 67 1932, um breyting á reglugerð frá 25. okt. 1929, um bifreiðatryggingar.

1. gr.

2. mgr. 4. gr. orðist þannig:

Bifreiðaeigendur eru skyldir til þess að tryggja bifreiðar sínar fyrir eitt ár í senn frá 1. maí til 30. apríl næsta ár, og greiðist iðgjaldið fyrir fram fyrir allt árið. Ef ný bifreið er tryggð á árinu, skal hún tryggð til næst komandi 30. apríl, þannig að tryggingartími allra bifreiða miðist við tímabilið 1. maí til 30. apríl næsta ár.

Ákvæði til bráðabirgða.

Hinn 1. maí 1944 fellur í gjalddaga iðgjald af bifreiðatryggingum fyrir tímabilið 1. júlí 1944 til 30. apríl 1945.

Reglugerð þessi er sett samkvæmt bifreiðalögum, nr. 23 16. júní 1941, til að öðlast þegar gildi, og birtist til eftirbreytni öllum þeim, sem hlut eiga að máli.

Í dómsmálaráðuneytinu, 23. febrúar 1944.

Einar Arnórsson.

Gústav A. Jónasson.